

Nassuiaatit nalinginnaasut

1. Aallaqqaasiut

Sanaartornermi neqerooruteqartitsisarneq pillugu Inatsisartut inatsisaat (Inatsisartut inatsisaat nr. 11, 2. december 2009-imeersoq) 2010-imi januaarip aallaqqaataani atulersinneqarmalli illuliornermi sanaartortitsinermilu pisortanit neqeroortitsisut neqeroorutiniq pissarsiniarnerannut tunngaviusimavoq.

Inatsit arlaleriarluni iluarsineqartarsimavoq, kingullermik inatsisikkut nr. 15, 26. november 2020-imeersukkut, siumoortumik nalunaaruteqartarneq pillugu malittarisassat tassani atulersinneqarlutik, ilaatigullu isertuussilluni neqerooruteqarneq aamma kommunit ingerlatseqatigiiffiisa inatsimmut ilaalneri pillugit aalajangersakkat erseqqissarneqarlutik.

Inatsimmik misilittakkat pingaarnertigut pitsaasuupput, illuliornermilu sanaartornermilu ineriartorneq aamma najukkani suliffeqarfiit ineriartornissamut periarfissaasa pitsaanerulersinnissaat pillugit politikikkut anguniakkat pissutigalugit inatsimmi tulluarsaanerup naammassineqarnissaa pisariaqalersissimavaat.

Malittarisassanik ataatsimoortumik misissuinerup nalilersuinerullu aallartinneqarnissaat pillugu 2025-mi septembarip 15-iani Naalakkersuisut aalajangiinerannik siunnersuut aallaaveqarpoq. Misissuinerup takutissimavaa inatsisip atuuffigisaa pillugu piviusumik nalornisoqartartoq, pisortani sanaartortitsisut arlallit inatsit allaffissornikkut oqimaatsutut sanaartornermillu suliaqartuni pissusiviusuni naleqqussarneqannginnerusut misigisaraat. Aammattaaq illuliornermut sanaartornermullu suliaasaqarfimmi pilersuutit inatsimmi tassani ilaatinneqannginnerat naleqqutinngitsutut isigineqarpoq.

Siunnersuutikkut inatsit malinnaatinneqalissaaq, taamaalilluni sanaartornermi piviusunut naapertuutilerluni aamma najukkani tunngaveqarneq, inuiaqatigiinnut akisussaaneq pillugu politikikkut anguniagaqarnermut ikorfartuilerluni aammalu pisortani illuliornermut sanaartornermullu allaffissornikkut aqutsinermi suleriaatsinik eqaannerulersitseqataanissaa kissaatigineqarluni.

Siunnersuutip ilaatigut kingunerai:

- teknikikkut ikiuineq (siunnersuisarnerit) aamma illuliornermut sanaartornermullu atugassanik atortunik il.il. pilersuineq inatsimmut ilaalneri,
- najukkani pissutsit najukkanilu tunngaveqarneq suliakkiinissamut piumasaqaatinut ilaalersinneqarsinnaaneri,
- soqutigisaqatigiit akerleriinneri pillugit malittarisassat ilanngunneqarneri,
- annertuunik inatsisinik unioqquutitsisoqartillugu imaluunniit annertuunik sumiginnaasoqartillugu neqerooruteqartut peqataajunnaarsinnissaat pillugu malittarisassat ilanngunneqarneri,

- nassuiaatit oqaasertaliussallu pisariinnerulersinneri, kiisalu
- ilinniartut, ilinniarnermilu atatillugu suliffimminiittut il.il. pillugit malittarisassanik aalajangersaanissamut Naalakkersuisut piginnaatinneqarnerat annertusineqarluni.

2. Siunnersuummi immikkoortut pingaarnert

2.1. Inatsit atuuttoq

Inatsimmi atuuttumi assigiimmik pisarnissamik tunngavik aalajangersarneqarpoq, neqeroorutit piareersarnerini ingerlanneqarnerinilu neqeroorutinillu pissarsiniarnermi neqeroortitsisumit tamatigut isiginiarneqartussat. Tamatuma kingunerisaanik neqeroortitsisunit tunngavissaqanngitsumik immikkoortitsisoqarnissaanut inerteqquteqarpoq. Tunngavik pingaarutilik taanna annertuumik siunnersuummi allanngortinneqanngilaq, kisianni taamaattoq inuiaqatigiinni akisussaaffeqarnerup mianerinissaanut periarfissamik ammaalluni, ilanngullugu kinaassusersiunnginnissamut tunngaviusoq mianeralugu najukkami allanngoriartortitsinissaq najukkamilu pissutsit.

2.2. Siunnersuutip imarisai

Atuuffiata annertusineqarnera (§ 1)

Inatsit annertusineqarpoq teknikikkut ikiuineq (siunnersuisarnerit pilersaarusiortarnerillu) aamma illuliornermut sanaartormullu atugassanik atortunik il.il. pilersuineq ilaatinneqalerlutik. Taamaalilluni sanaartornissap neqeroorutigineqarneranut immikkoortut pingaarutillit tamaasa pillugit malittarisassat ataatsimut katersorneqarput, aqutsinerlu sanaartortitsisumut suliffeqarfinnullu pisariinnerulersinneqarluni. Alloriarnissamut tassunga tunngaviusoq, neqerooruteqartitsisup suliassamik ataatsimoortumik ataatsimik neqeroortitsinermut inatsisinik marlunnik atuinissaata naaleqqutinngitsutut nalilernerneqarnera.

Nassuiaatit (§§ 2-5 a)

Illuliornermi sanaartormermilu suliassat, suliariumannittussarsiuussinerit il.il. pillugit taaguutit paasinarnernulernissai pillugit nutarterneqarput.

Illuliornermi sanaartormermilu suliassat nassuiaassutaat immikkut nalornissutigineqarsimavoq.

Soqutigisaqatigiit akerleriinneri (§ 6 a)

Soqutigisaqatigiit akerleriinnerit suussusersinerik, pitsaaliornissaannik iluarsiniarneqarnissaannillu neqeroortitsisut pisussaaffilerneqarput, tassunga ilanngullugu neqeroortitsinerup piareersarnerani nalilersuinnermiluunniit siunnersortit peqataatinneri.

Inuiaqatigiinni ikinnerusuni tamaanitut ittuni suliamut attuumassuteqarpallaariaannaaneq, tamatumunngalu atasut sunniutaasussat, immikkut eqqumaffiginissaat pingaaruteqarpoq. Tamanna siunnersuummut tunngavigineqarpoq, soqutigisat aporaannerisa, ilanngullugu suliamut attuumassuteqarpallaarneq, iliuuseqarfiginissaat siunertarinqarluni.

Najukkani pissutsit inuiaqatigiinnullu akisussaaneq (§ 7, imm. 3 aamma § 20, nr. 5)

Neqeroortitsisoq - neqeroorutip piareersarnerani tunniussinermilu - najukkani pissutsit najukkanilu tunngaveqarnerup pingartinneqarnissaannut periarfissaqalerluni. Aalajangersagaq inuiaqatigiinnik eqqarsaatiginninnerup ilanngunnissaannut ammaassivoq, soorlu najukkani suliffeqarfinni sulisoqarneq kiisalu ilinniartoqarnissaq pillugu piumasaqaat.

Periarfissat kisimik pineqarneri erseqqissarneqarpoq, pisussaaffiunngitsoq. Siunertaq tassaavoq unammilleqatigiinneq assigiimmillu pinninnermik tunngaviup pisariaqanngitsumik avaqqutinngikkaluarlugu najukkani suliffinnik suliffeqarfinniillu ikorfartuinissamut ajornanngitsumik naleqqussaaneq.

Partiit Naalakkersuisunik tunuliaqutsiisut akornanni naalakkersuisooqatigiinnissamut isumaqatigiissut naapertorlugu sapinngisamik najukkaneersut amerlanerpaat illuliassanut sanaartugassanullu suliassani akuutinneqartarnissaat, aammalu sineriak tamaat sinerlugu assassornermut suliffeqarfeqqat suliassat allattorsimaffianiittunik suliakkerneqarnerusarnissaat, politikkikkut anguniakkatut oqaatigineqarput.

Neqerooruteqartunik peqataajunnaarsitsineq (§§ 13 a aamma b)
Neqerooruteqartut annertuumik inatsisinik unioqqutitsisimasut (akiliilluni peqquserlutsitsineq, peqquserlunneq, unammilleqatigiinneq millisillugu niuernikkut isumaqatigiissimanerit, il.il.) neqeroortitsisumit peqataajunnaarsinnissaannik kiisalu akiliisinnaajunnaartoqartillugu, ilungersunartumik sumiginnaasoqartillugu imaluunniit pisortanut annertuunik akiitsoqartillugu peqataajunnaarsitsinissamik periarfissaqarneq pillugu aalajangersakkat eqqunneqarneri.

Aalajangersakkanut neqeroortitsinermut inatsit isumassarsiorfigineqarpoq, kisianni suliffeqarfiit siusinnerusukkut pisortani neqeroortitsisunut isumaqatigiissutit naammassinissaanni anigorniagassaqaartarsimasut mattunnissaannut periarfissanik annertusititsinissaq pisariaqarsorineqarsimavoq.

Tunniussinissamut piumasaqaatit (§ 15)
Aningaasaqarnikkut neqeroorut iluatinnarnerpaaq pillugu piumasaqaat annertusineqarpoq, taamaalilluni inuiaqatigiinnut akisussaaqataaneq, najukkani pissutsit, piujuartitsineq suliffeqarnikkullu eqqarsaatigisassat erseqqissumik pingartinneqalerlutik.

Tamanna nutaamik aaqqissuussineruvoq, suliassaqarfimmi politikkikkut kissaatigineqartut akuerinissaat siunertaalluni, takukkit matuma siulianiittut nassuiaatit.

Aningaasanut killiliussat naleqqussarsinnaanerlu (§ 20)
Illuliormi sanaartornermilu pilersuinernullu il.il. isertuussilluni neqeroorutit atornerqarnerinut qummut killiliussaq siunnersuutigineqarpoq 1,5 mio. kr.-niit 3,0 kr.-nut, siunnersortinullu isertuussilluni neqeroorutiniq pissarsiniarnermut qummut killiliussaq 10,0 mio. kr.-nut inissinneqassasoq siunnersuutigineqarpoq. Inuiaqatigiinni nunallu ilaani

eqqarsaatigisassat tamatumunnga pissutissaqartitsippata najukkani suliffeqarfinnut isertuussilluni neqerooruteqarnissamut periarfissiisumik aalajangersakkamik nutaamik eqqussisoqarpoq.

Lærlingit inuuniarnermilu immikkut piumasaqaatit (§ 35)

Sanaartornermi teknikikkullu ikiuinermi ilinniartunut suliffimmilu sungiusarfinnut piumasaqaatit pillugit malittarisassanik aalajangersaanissamut Naalakkersuisunut tunngavissiineq annertusineqarpoq. Piumasaqaatit naammassineqannginnerini ullormut akiliutissanik allatigulluunniit pineqaatissiinissamut aalajangersaasoqarsinnaavoq.

Atulersitsineq aamma neqeroortitsinermit inatsimmut ataqatigiissinera
Inatsit 2026-mi julip aallaqqaataani atuutilernissaa siunnersuutigineqarpoq.

Peqatigisaanik atortussanik kiffartuussinernillu pisinermit atatillugu tamatuma kingunerisaanik neqeroortitsineq pillugu Inatsisartut inatsisaanni allannguisoqassaaq.

3. Pisortanut aningaasaqarnikkut allaffissornikkullu sunniutissat

Siunnersuut pisortani oqartussanut imaluunniit kommunini oqartussanut aningaasaqarnikkut malunnaatilimmik sunniuteqartussat naatsorsuutigineqanngilaq.

Ingerlanneranut, siunnersuinermit pilersuinernullu atasunik malittarisassat katersorneqarnerisa ersarinnerulernerisalu malitsigisaanik allaffissornikkut oqinnerulernissaa naatsorsuutigineqarpoq.

4. Inuussutissarsiutinik ingerlataqartunut aningaasatigut allaffissornikkullu sunniutissat

Siunnersuut inuussutissarsiutinik ingerlataqartunut aningaasatigut sunniuteqartussaanngitsutut nalilerneqarpoq.

Siunnersuinermit pilersuinernullu inatsisip atuuffiata annertusineqarnera naatsorsuutigineqarpoq pitsaannerusumik ammanerusumillu pissuseqarnermik kiisalu aqutsinerup eqaannerulerneranik pisariinnerulerneranillu pilersitsinissaa naatsorsuutigineqarpoq. Peqatigisaanik najukkani pissutsit inuiaqatigiinnilu immikkut piumasaqaatit ilanngunneqarnissaannut periarfissaqarnerup najukkani suliffeqarfinni sulisoqarneq pitsaanerulersissinnaallugu.

5. Avatangiisinut, pinngortitamut inuillu peqqissuunissaannut sunniutissat

Siunnersuut avatangiisinut pinngortitamulluunniit toqqaannartumik kinguneqartussaanngilaq.

Tunniussinissamut piumasaqaatini piujuartitsinerup inuiaqatigiinnullu akisussaanerup ilanngunneqarnissaannut periarfissiisoqarneratigut taamaattoq avatangiisinut isumalluutinillu atuinermut toqqaannanngitsumik pitsaasunik sunniuteqarnerit anguneqarsinnaassapput.

6. Inuit pisinnaatitaaffii aamma innuttaasunut kingunerisassat

Siunnersuut innuttaasunut aningaasaqarnikkut allaffissornikkullu sunniuteqassanngilaq.
Siunnersuut maannakkut inuit pisinnaatitaaffiit sunniuteqassanngilaq.

Siunissami ungasinnerusumi najukkani sulisoqarnek ilinniarnissamullu periarfissat pitsaanerulersinnaasut naatsorsuutigineqarsinnaavoq, tamannalu inuiaqatigiinnikkut ataqatigiissitsinermut iluaqutaasinnaalluni.

7. Nunanut allanut atassuteqarfinnut nunallu immikkoortuini politikkimut sunniutaasussat, kiisalu sunniutissat allat

Siunnersuutip qulaani eqqaaneqartut saniatigut inatsisitigut imaluunniit inuiaqatigiinni annertuumik kinguneqartitsinissaa naatsorsuutigineqanngilaq.

Siunnersuut aammattaaq nunanut allanut atassuteqarfinnut imaluunniit nunap immikkoortuini politikkimut sunniuteqassanngitsoq naliliisoqarpoq.

8. Qqartussanut kattuffinnullu il.il. tusarniaaneq

Siunnersuut piffissami 23. jan. – 23. feb. 2026 tusarniaanernut nittartakkami uani [www.naalakkersuisut.gl] tamanut tusarniutigineqarsimavoq aamma tusarniaaffigineqartartunut ukununga toqqaannartumik nassiunneqarsimalluni:

Aningaasaqarnermut Akileraartarnermullu Naalakkersuisoqarfik, Inuussutissarsiornermut, Aatsitassanut, Nukissiuutinut, Inatsisit Atuutsinneqarnerannut Naligiissitaanermullu Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, Ilinniartitaanermut, Kulturemut, Timersornermut Ilageeqarnermullu Naalakkersuisoqarfik, Kommune Kujalleq, Kommuneqarfik Sermersooq, Qeqqata Kommunia, Kommune Qeqertalik, Avannaata Kommunia, Sulisitsisut (GE), Nunaqavissut Suliffiutillit Kattuffiat (NUSUKA), Sulinermik Inuussutissarsiuteqartut Kattuffiat (SIK), Atuisoqarnermut Unammilleqatigiinnermullu Aqutsisoqarfik, CSR Greenland, Transparency International Greenland, Nunatsinni Advokatit, INI A/S, Iserit A/S, Nukissiorfiit, Mittarfeqarfiit, Royal Greenland A/S, Tusass A/S.

(Tusarniaanerup inernera ikkunneqassaaq)

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Inatsisip atuuffia pillugu § 1, imm. 1-imi aalajangersagaq annertusineqassasoq siunnersuutigineqarpoq, taamaalilluni illuliornermi sanaartormilululiassat ingerlannissaanut ingerlannerinulluunniit neqeroorutini pissariniarneq inatsimmi kisimi pineqarnani, kisianni aamma:

1. illuliornermut sanaartormullu teknikikkut siunnersuineq (siunnersuinermi akiliutit), aamma
2. illuliornermi sanaartormilululi atugassanik atortussanik il.il. pilersuinermit.

Allannguinermi siunertaavoq illuliornerup sanaartormullu iluini suliaassanut pilersuinerinillu suusinnaasunut tamanut neqeroorutini pissarsiniarnermut malittarisassat katersorneqarnissaat. Neqeroortitsinermit inatsimmi malittarisassaliorerit katersorneqarnerisigut pisortani sanaartortitsisunut aqutsineq pisariinnerulersillugulu paasiuminarnerulersissavaa, aamma suliffeqarfinnut illuliornermik sanaartormillu ingerlataqartunut malittarisassat ataqatigiissinnerulersillugit.

Nr. 2-mut

§ 2-mi *illuliorneq sanaartormerlu* pillugit nassuiaat annertusineqarpoq erseqqissarneqarlunilu.

Ingerlatat ilaatinneqartut tamakkiinerusumik allaaserineqarneri ikkunneqarpoq, tassunga ilanngullugit sanaartugassanik sanaartorneq allannguinerluunniit, isaterineq piiarnerlu kiisalu iluarsaassinerit aserfallatsaaliinerillu. Siunertaq tassaavoq erseqqissaanissaq, assersuutigalugu suliaasaq aalajangersimasumik annertussuseqarpat aserfallatsaaliinermi suliaassat ilaatinneqartut.

Sulianut inatsimmut ilaasunut imaluunniit ilaanngitsunut killiliussat sulinerit akiligassanngortitat pillugit nassuiaammi annertuutigut nassaarineqarsinnaapput, tak. § 8, taanna malillugu suliaassat kr. 500.000 tikillugit naleqartut pisortat neqeroortitsineranni pineqartunut ilaatinneqanngillat.

Suliaassat kr. 500.000 sinnerlugit nalillit, nalinginnaasumik ulluinnarni ingerlatsinertut isigineqaratik annertussuseqartussaapput aammalu tigussaasunik inerneqartussaallutik.

Nr. 3-mut

§ 2 a-mi nutaami soqutigisaqatigiit akerleriinneri pillugit nassuiaat ikkunneqarpoq.

Aalajangersagaq neqeroortitsisut taakkulu siunnersortii neqeroortitsinerup ingerlanerani kinaassusersiunnginnermut sunniuteqarsinnaasuni aningaasaqarnikkut inuttulluunniit soqutigisatigut inissisimalernissaannik pitsaaliussaaq.

Assersuut ataaseq tassaasinnaavoq siunnersortaasup neqeroortitsisutut imaluunniit allatigut neqeroortitsinerup inerneranut sunniuteqarsinnaasumik soqutigisaqarsinnaanera.

Inuit eqimattani marlunniittut suliassamut attuumassuteqarpallaarnermik eqqugaasinnaapput: tassani pineqarput inuit neqeroortitsinerup suleriaatsimi toqqaannartumik akuusut, aammalu inuit tassani toqqaannartumik peqataanatik suleriaatsip inerneranit sunnerneqarsinnaasut. Inuit inummut suliap ingerlanerani akuusumut aqutsinissamut piginnaatitaappat, tamanna assersuutigalugu pisinnaavoq.

Aalajangersagaq pisortat ingerlatsineranni suliassanik suliarinnettarnaq pillugu Inatsisartut inatsisaanni kapitali 2-mut, suliassamut attuumassuteqarpallaarnermut tunngassuteqartumut, ataqatigiisillugu isigineqassaaq.

Nr. 4-mut 5-imullu

§ 3, imm. 1-imi taaguut suliariumannittussarsiuussineq erseqqissarneqarpoq, taamaalilluni ileqquusumik illuliornermik sanaartornermik neqeroortitsineq, teknikikkut ikiuinnermut tunngasunik neqeroortitsineq kiisalu illuliornermut sanaartornermullu atortussanik il.il. pilersuinerit nassuiaammut ilaalerlutik.

Taakku saniatigut (imm. 2-mi) aalajangersarneqarpoq tamanut ammasumik suliariumannittussarsiuussinermi siunissami pisortat suliariumannittussarsiuussinermi nittartagaatigut pisarnissaanut kajumissaasoqarpoq, tamatumalu tusagassiuutitigut ussasaarinissamut innersuussisarneq taarserlugu. Tamatuma ullutsinnut naleqqunnerusumik assigiinnerusumillu tamanut saqqummiussisarmissaq qulakkeerpaa.

Nr. 6-imut

§ 5 sunniutaasumik iluarsineqarpoq, taamaalilluni sinaakutissanut isumaqatigiissutit suliassanut inatsimmi pineqartunut ilaasunut tamanut tunngasuussallutik.

Nr. 7-imut

Aalajangersagaq nutaaq (§ 5 a) ikkunneqarpoq, tassani nassuiarneqarluni suliassaq tassaasoq illuliornermi sanaartornermilu suliassaq, illuliornermi sanaartornermilu teknikikkut siunnersuinerit aamma illuliornermi sanaartornermilu atugassanik atortussanik pilersuinerit.

Nassuiaat allanngortinneqartoq pisariaqarpoq, inatsisip atuuffiata siunnersuutigineqartutut annertusineqarnera (tak. nr. 1) naapertorlugu sullissinnerut assigiinngitsunut pingasunut tamanut inatsit atuummat.

Nr. 8-9-mut

Soqutigisaqartut akerleriinnerinik passussineq pillugu aalajangersagaq nutaaq (§ 6 a) ikkunneqarpoq.

Suliakkiisoq suliariumannittussarsiuussinerup naammassineqarneranut atatillugu soqutigisat akerleriissutaasut suussusernerinik, pitsaaliornissaannik ikiuuffiginissaannullu tulluurtumik piareersaateqarsimassaaq. Ammasumik pissuseqarnissaq pillugu piumasaqaammut aalajangersagaq ikorfartuivoq aamma inuit imaluunniit siunnersortit inuttut aningaasaqarnikkulluunniit soqutigisaat aalajangiiniarnernut sunniuteqarsinnaanerat pinngitsoortinniassallugu imaluunniit neqeroortitsinermit peqataajunnaarsinneqarsinnaallutik.

Neqerooruteqartut tamarmik assigiimmik inissisimanissaat paasissutissanillu assigiittunik periarfissaqarnissaat neqeroortitsisup anguniassavaa. Neqeroorutip piareersarnerani peqataaneq pissutigalugu suliffeqarfik siunnersuisartoq suliassaq pillugu immikkut ilisimasaqarpat paasissutissat taakku neqerooruteqarsinnaasunut allanut apuunneqarnissai neqeroortitsisup qulakkiissavaa, piffissarlu neqeroortitsiviusoq pissutsit aalajangersimasut eqqarsaatigalugit aalajangersarneqassalluni. Suliffeqarfik siunnersuisartoq pineqartoq neqerooruteqarsinnaasunut allanut naammattumik naligiissinneqarsinnaanngippat aatsaat suliffeqarfik siunnersuisartoq neqeroortitsinermit peqataasinnaajunnaarsinneqassaaq.

Nr. 10-mut

§ 5 a-mi (takuum nr. 7) nassuiarneqartutut suliassanut neqeroorutiniq pissarsiniarnerit ilaatilerlugit inatsisip allanngortinneqarnerata malitsigisaanik § 7, imm. 1-imi aalajangersagaq allanngortinneqarpoq.

Tamanna isumaqarpoq neqeroortitsisarnermut inatsimmi malittarisassat atortinneqassasut, suliffeqarfiup suliaqarnera, teknikikkut ikiuineru imaluunniit atortussanik pilersuineq pineqarneris apeqqutaatinnaq.

Nr. 11-mut

§ 7, imm. 3-mi aalajangersakkamik siunnersuutigineqartutut allannguinnermi kinaassusersiunngitsumik, piviusorsioortumik immikkoortitsiviuunngitsumillu tunngaveqarluni neqerooruteqartussanik toqqaasoqarnissaa erseqqissarneqarpoq, kisianni aamma neqeroorutip aaqqissuunnerani neqeroortitsisoq najukkani pissutsinik najukkanilu tunngaveqarnissap pingaartinnissaannut pisussaaffeqarmat.

Allannguinnissamut siunnersuut, taamaalilluni neqerooruteqartunik toqqaanermi najukkani pissutsit najukkamilu tunngaveqarnerup ilaatinneqarnissaannut periarfissiisoqarnera, periarfissatut paasineqassaaq, pisussaaffiuunngitsaq. Siunertaq tassaavoq naleqquffiini assersuutigalugu nunaqarfinni illoqarfinniluunniit inuussutissarsiornikkut killeqartumik piginnaasaqarfiusuni neqeroortitsinermit inuiaqatigiinni eqqarsaatigisassat ilanngunneqarnissaannut pisunilu allani pingaarnertigut kinaassusersiunngitsumik

eqqarsaatiginninnissamut pissutissaqartuni naleqqussaasinnaaneq aammalu pisariaqanngitsumik unammilleqatigiinnerup naligiimmillu pinninnissamut tunngaviusoq qaangiinnarneqassanngitsut.

Siunertaavoq najukkameersut sapinngisamik amerlanerpaat akuutinneqarnissaat aammalu sinerissami suliffeqarfiit minnerusut suliassaqarnissaannik qulakkeerinissaq, kisianni aamma najukkami inissisimatitsinissaq aammattaaq isiginiarneqassalluni.

Nr. 12-mut

Allannguutissatut siunnersuutip aamma kingunerisaanik ataatsimut piumasaqaatit suut akuerineqarsimanersut pillugit Naalakkersuisut ukiukkaartumik tamanut saqqummiussisassapput nutaat imaluunniit nutarterneqarsimasut ingerlaavartumik tamanut saqqummiuttassallugit.

Nr. 13-imut

Tamanna tunngavissalimmik siunertamut iluaqutaassappat, aatsaat ataatsimoortumik piumasaqaatit allanngortinneqarsinnaapput, aammalu allannguutit neqeroortitsinermut najoqqutassani ersarissumik allassimassapput.

Nr. 14-imut

§ 8, imm. 1-imi aalajangersagaq inatsimmi allannguutissatut siunnersuutigineqartut malitsigisaasa kinguneraat (takuuk nr. 7).

Nr. 15-imut

§ 12-mi aalajangersagaq tulluarsarneqarpoq, taamaalilluni neqerooruteqarnissamut piukkunnaateqartunik toqqaanissamut nalunaaruteqarnissaq pillugu piumasaqaat pisortat neqeroortitsinermi nittartagaannut innersuussilluni.

Nr. 16-imut

§ 13-imi aalajangersagaq inatsimmi allannguutissatut siunnersuutigineqartut malitsigisaasa kinguneraat (takuuk nr. 7).

Nr. 17-18-imut

§§ 13 a aamma 13 b-mi siunnersuutigineqarpoq neqerooruteqartut ilaatikkunnaarnissaat pillugu malittarisassanik ikkussisoqassasoq.

- § 13 a-mi neqeroortitsinerup ukiut tallimat kingulliit iluanni ilungersunartumik inatsisinik unioqqutitsisimasut suliffeqarfiit neqeroortitsisumit peqataanissamut mattunneqassapput (akiliilluni pinerluuteqarneq, peqquserlunneq imaluunniit niuernikkut isumaqatigiinnernik ingerlataqarneq, aningaasanik peqquserlunnikkut pissarsiarisimasanik malunnarunnaarsaaneq peqqarniissaarniartarnernut aningaassaliissuteqartarneq il.il.).

- § 13 b-mi assersuutigalugu suliffeqarfik akiliisinnaajunnaarsinnaasutut suliarineqarpat, inuussutissarsiutimi ingerlannerani annertuunik sumiginnaasimappat, paasissutissanik eqqunngitsunik piaaraluni tunniussisimappat imaluunniit pisortanut annertuunik akiitsoqarpat neqeroortitsisumit peqataajunnaarsinneqassaaq.

§ 13 a malillugu mattussinissamut tunngaviusut malinneqannginnissaat neqeroortitsisup toqqarsinnaanngilaa, aammalu neqerooruteqartoq § 13 a malillugu mattussinissamut tunngaviusuni pineqartunut ilaasoq neqeroortitsinermi peqataasinnaanngilaq.

Mattussinissamut tunngaviusut § 13 b-mi pineqartunut ilaasut neqeroortitsinermi tamakkiisumik inaannaasumilluunniit atorniarlugit neqeroortitsisup nammineerluni aalajangersinnaavaa. Neqerooruteqartoq mattussinissamut tunngaviusuni pineqartunut ilaasoq, neqeroortitsinermi tassani peqataasinnaanngilaq.

Neqerooruteqartoq, assersuutigalugu ilumoorhini uppersarlugu mattussinissamut tunngaviusuni pineqartunut ilaanani paasissutissiippat, neqeroortitsisoq tamatuma erseqqinnerusumik misissornissaanut pisussaaffeqanngilaq. Kisiannili eqqortuunera nalornissutigineqarpat, neqeroortitsisup tassunga tunngasoq erseqqinnerusumik misissussavaa.

Piffissamut killigititap naanerani, imaluunniit piukkunnartussarsiuussilluni neqeroortitsinermi qinnuteqarnissamut piffissamut killigititap naanerani, pissutsit mattussinissamut tunngaviusuni pineqartunut ilaasut neqerooruteqarnissamut pingaaruteqassapput.

Aalajangersakkat pisortat neqeroortitsineranni qaffasissumik ileqqorissaarnikkut malitassaqarnermut iluaqutaassapput, aamma unammilleqatigiinnermi atukkanik assigiilersitsissallutik.

Nr. 19-imut

Piumasaqaat aningaasaqarnikkut iluatinnarnerpaaq neqeroorut annertusineqarpoq, taamaalilluni erseqqissumik uku pingaartinneqassallutik:

- najukkani pissutsit najukkanillu tunngaveqarneq,
- inuiaqatigiinnut akisussaaqataaneq,
- ilinniartunut, ilinniarnermut aamma suliffimmi misiliisussanut inissamik pilersitsineq,
- inuit atugarliortut sulilersinneri kiisalu
- avatangiisinut sunniutit.

Siunertaq tassaavoq, tamatumunnga tunngavissalimmik pissutissaqartillugu, neqeroorutip pitsaassusaanik taaguutip annertusineqarnissaanut neqeroortitsisumut naleqqussaatitsinissaq taamaalillunilu inuiaqatigiit eqqarsaatigineqarnerisa ilanngunneqarneri.

Inuiaqatigiinni mianerisassat pingaartumik, kisianni taannaannaanngitsoq, najukkameersut sapinngisamik amerlanerpaat akuutinneqarnissaat qulakkeerniarlugu, aammalu sinerissami suliffeqarfiit suliaasaqarnissaat qulakkeerneqartussaattillugu, naleqquttuusussaapput.

Assersuutigalugu tunngavissarititaasup atorneratigut pisariaqanngitsumik mingutsitsinissaq pinngitsoortinneqarsinnaalluni pisoqartillugu, avatangiisit mianerineqarnissaat ilanngutsinneqartussaassaaq.

Nr. 20-imut

§ 20-mi aalajangersagaq, pisuni suni neqeroortitsisup isertuussilluni neqerooruteqartitsisinnaaneranik malittarisassaqaartitsisoq, taaguutitut nutaanut tulluusaavoq (tak. ilaatigut nr. 7) aamma erseqqissarneqarluni.

Isertuussilluni neqeroortitsinerup qanoq ilinerani pissarsiariniarneqarnissaanut aningaasanut qummut killiliussat 1,5 mio. kr.-niit 3,0 mio. kr.-nut qaffanneqassasut siunnersuutigineqarpoq. Siunnersortitut akiliutit eqqarsaatigalugit aningaasanut qummut killiliussat 10 mio. kr.-unerat aalajangiussimaneqarpoq (aalajangersakkami nr. 1).

Nr. 5-imi aqqutissamik nutaamik atuutsitsilersoqarpoq, taanna malillugu inuiaqatigiinnik eqqarsaatiginninneq - tassunga ilanngullugit najukkani pissutsit aamma najukkamik tunngaveqarneq - isertuussilluni neqeroortitsinerit atorneqarneritut tunngaviusinnaallutik. Siunertaavoq, tamanna tunngavissalimmik tunngavilersorneqarluni aammalu annertoqqatigiissinneqarluni pisoqartillugu, aammalu najukkaneersunik sulisoqarnissaq sapinngisamik annertunerpaamik eqqarsaatigalugu pisoqartillugu, suliffeqarfiit najukkameersut salliutinissaannut periarfissaqalersitsinissaq. Aalajangersagaq unammilleqatigiinnerup naligiissitsinissamullu tunngaviusup mianerinissaannut sanilliullugu nalilersorneqassaaq.

Nr. 21-imut

§ 24, imm. 3-mi neqeroortitsisoq (noqqaasoqarneratigut) neqeroorutip itigartinnissaanut tunngavilersuutit pillugit neqerooruteqartumut pineqartumut ilisimatitsissappat mattussinissaq pillugu aalajangersakkanut nutaanut (§§ 13 a aamma b) innersuussineq ikkunneqarpoq.

Nr. 22-mut

§ 25, imm. 1-imi aalajangersagaq nutarterneqarpoq, taamaalilluni siumoortumik nalunaarutiginninnernik tamanut ammasumik nalunaaruteqarneq pisortat neqeroortitsinermi nittartagaatigut pisassalluni.

Nr. 23-mut

Neqeroorutini aalajangersimasumik pissarsiniarnissamut siumoortumik nalunaaruteqarnerit tamanut ammasumik nalunaarutiginnissaannut piffissaliussaq sapaatit akunnerinit arfineq pingasuniit sisamanut sivikillineqarpoq (§ 25 a, imm. 4).

Allanngueq, piffissaliussaq siumoortumik nalunaaruteqarnerit pillugit naammagittaalliuuteqarnissamut piffissaliussamut naapertuutilerluni, sioqqutsisumik nalunaaruteqarnerit atornissaasa sunniuteqarluarnerulersinnissaa siunertaavoq.

Nr. 24-mut

§ 35, imm. 1-imi imatut allanngortinnissaa siunnersuutigineqarpoq illuliornerit sanaartukkallu suliarineqarnerinut atatillugu aamma taakkununga teknikikkut ikiuunnermi ilinniartut, suliffimmi sungiusartut pillugit Naalakkersuisut maleruagassiornissamut piginnaatitaanerat annertusineqarluni.

Tamatuma saniatigut malittarisassat eqqortinneqanngippata ullormut akiliititsinissanik allatigulluunniit pineqaatissiinissamut aalajangersaasinnaanermut periarfissaq ikkunneqassasoq siunnersuutigineqarpoq.

Suliffeqarfiit ilinniartunut isumaqatigiisummi isumaqatigiissutigineqartumi amigaataasunut tamanut immikkut akiligassiisummik aningaasarsiat 150 %-iisut annertussusilimmik sanatitsisumut akiliissasut, Naalakkersuisut assersuutigalugu aalajangersinnaassavaat.

Siunertaavoq suliffeqarfiit ilinniartut il.il. amerlassusissaat pillugu piumasaqaammik isumaqatigiissutigineqartumik naammassinninnissamut kajumissuseqalersinnissaat.

Siunnersuut inatsisinut atuuttunut assersuullugu	
<i>Oqaasertaliunneqartut atuuttut</i>	<i>Siunnersuutigineqartoq</i>
	§ 1 Sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi, Namminersorlutik Oqartussat nalunaarutaatigut nr. 9, 20. august 2021-imeersukkut allanngortinneqartumi imatut allannguisoqassaaq:
§ 1. Sanaartugassat suliarineqarnissaannut, imaluunniit sanaartugassat pilersaarutitalerlugit suliarineqarnissaannut neqerooruteqartitsisarnermut, aammalu suliaakkiissutinik tunniussisarnermut inatsit atuuppoq.	1. § 1, imm. 1, oqaasertalerneqassaaq imatut: ”Inatsit ukunani neqeroorutinik piniarnermut suliaakkiissummillu tunniussinermut atuuppoq: 1) illuliornissamik sanaartornissamillu pilersaarusiornernut imaluunniit suliarinerinut, 2) illuliornermut sanaartornermullu teknikikkut ikiuinernut, aamma 3) illuliornermi sanaartornermilu atugassanik atortussanik il.il. pilersuinermit.”
§ 2. Sanaartornermi suliassat tassaapput suliassat, sanaartorfimmi, illumi imaluunniit illuliami atortoqarfiliamiluunniit, suliat timitaannik aalajangersimasunik naammassisaqarnissamik siunertaqarfiusut.	2. § 2 imatut oqaasertalerneqassaaq: ” § 2. Illuliornermi sanaartornermilu paasineqarput sulinerit sanaartorfiusumi, illuliorfiusumi, sanaartukkami, atortumi, nunaminertami imaluunniit imaani aalajangersimasumik tigussaasumik inernerup pissarsiarinissaanik siunertaqartoq, tassunga ilanngullugit atortunik sanaartukkanillu sanaartorneq allannguinerluunniit, isaterineq

	ikkussueqqinnerlu kiisalu iluarsaassineq aserfallatsaaliinerlu.”
	3. § 2-p kingornagut ilanngunneqarpoq: ” § 2 a. Soqutigisallit akkerliinneratut paasineqassaaq pissutsini siunnersorti, neqeroortitsisoq sinnerlugu iluuseqartoq, aamma neqeroortitsinerup ingerlannerata naammassiniarnerani peqataasoq, imaluunniit ingerlatsinerup inaarneqarnissaanut sunniuteqarsinnaasoq, toqqaannartumik toqqaannanngitsumilluunniit aningaasaqarnikkut, aningaasarsiornikkut allatigulluunniit annertuutigit soqutigisaqartoq, neqeroortitsinerup ingerlanneranut atatillugu pineqartup kinaassusiunnginneranut attaviitsuuneranillu navianartorsiortitsisinnaasoq, imaluunniit siunnersortip attuumassuteqarpallaarneranik kinguneqarsinnaasoq.”
§ 3. Inatsimmi matumani suliariumannittussarsiuussinertut paasineqassaaq, suliaassap neqeroortitsivigineqarnerani arlalinnut piffissap aalajangersimasup ataatsip iluani, aammalu neqerooruteqartitsinermi tunngavissat assigiit, imaluunniit atuuttussamik neqerooruteqarnissamut piumasaqaatit minnerpaaffissaat ataatsimoortut, imaluunniit sanaartugassaq pillugu suleqatigiinnissamik pisussaaffiliisumik neqerooruteqarnissaq tunngavigalugit neqerooruteqartitsinerut. Kaammattuinermi suliariumannittussarsiuussineq pineqartoq nalunaarutigineqassaaq.	4. § 3, imm. 1, oqaaseqatigiit siulliit ima oqaasertaqassapput: ”Inatsimmi matumani suliariumannittussarsiuussinertut paasineqassaaq suliaassaq imatut neqeroorutigineqassasoq, piffissap aalajangersimasup ataatsip iluani aamma neqerooruteqartitsinermi tunngavissat assigiit imaluunniit piumasaqaatit minnerpaaffissaat tamanut atuuttut tunngavigalugit arlallit atuuttussamik neqerooruteqassasut, imaluunniit suliaassaq pillugu suleqatigiinnissamik pisussaaffiliisumik isumaqatigiissuteqarluni neqerooruteqassasut.”

<i>Imm. 2.</i> Tamanut ammasumik suliariumannittussarsiuussinermi tusagassiuutitigut naqitatigut imaluunniit elektronik atorlugu tusagassiuutitigut allagarsiinikkut kikkunnulluunniit neqerooruteqarnissamut kajumissarisooqassaaq.	5. § 3, imm. 2, oqaasertalerneqassaaq imatut: ” <i>Imm. 2.</i> Tamanut ammasumik suliariumannittussarsiuussinermi pisortat suliariumannittussarsiuussinermi nittartagaatigut allagarsiinikkut kikkunnulluunniit neqerooruteqarnissamut kaammattorneqarput.”
§ 5. Sinaakktissatut isumaqatigiissutitut paasineqassaaq, assersuutigalugu piffissaliussap iluani sanaartugassat assingitut sananeqarsinnaasunut akit, pitsaassutsit amerlassutsillu, imaluunniit annertussutsit eqqarsaatigalugit piumasaqaatinik isumaqatigiissusiorfiusutut.	6. § 5 imatut oqaasertalerneqassaaq: ” § 5. Sinaakktissatut isumaqatigiissutitut paasineqassaaq piffissaliussap aalajangersimasup iluani sanaartugassat assigiit sananeqarsinnaaneritut piumasaqaatit pillugit isumaqatigiissutit, assersuutigalugu akit, pitsaassutsit amerlassutsillu, imaluunniit annertussutsit eqqarsaatigalugit.”
	7. § 5-ip kingornagut ilanngunneqarpoq: ” § 5 a. Suliassatut paasineqassaaq illuliornermi sanaartormilu suliassaq, illuliornermi sanaartormilu teknikikkut siunnersuinerit aamma illuliornermi sanaartormilu atugassanik atortussanik pilersuinerit.”
	8. § 6-ip kingornagut qulequtaq nutaaq ilanngunneqarpoq: <i>”Soqutigisat akkerliinneri”</i> 9. Qulequttap nutaap kingorna ilanngunneqarpoq: ” § 6 a. Neqerooruteqartitsisoq suliariumannittussarsiuussinernup naammassineqarneranut atatillugu soqutigisat akkerliissutaasut suunerinik, pitsaaliornissaannik ikiuuffiginissaannullu tulluurtumik piareersaateqarsimassaaq.”

§ 7. Sanaartugassanik inatsimmi matumani ilaatinneqartunik suliaqarnissamut, imaluunniit pilersaarusiornissamut suliaqarnissamullu neqeroorutit tamanut ammasumik suliariumannittussarsiuussinikkut, imaluunniit killilimmik suliariumannittussarsiuussinikkut, suliaqartinniakkalluunniit ilisimatereerlugit neqerooruteqartitsinikkut pissarsiarineqassapput.	10. § 7, imm. 1, imatut oqaasertalerneqassaaq: ”Inatsimmut matumunnga ilaasumik sanaartugassanik suliaqarnissamut neqeroorutit tamanut ammasumik imaluunniit killilimmik suliariumannittussarsiuussinikkut imaluunniit isertuullugu neqerooruteqartitsinikkut pissarsiarineqassapput.”
<i>Imm. 3.</i> Neqerooruteqartitsisoq neqerooruteqartitsinissamik piareersaanermi ingerlatsinermilu, aammalu suliaakkiissutissamik tunniussinermi pisussaavoq, neqerooruteqartumik toqqaanermi kinaassusersiunngitsumik, piviusorsioortumik immikkoortitsiviunngitsumillu tunngaveqarnissaq, aammalu neqerooruteqartut akornanni assigiinngissitsisoqannginnissaa isumagissallugu.	11. § 7, imm. 3, imatut oqaasertalerneqassaaq : ” <i>Imm. 3.</i> Neqerooruteqartitsisoq neqerooruteqartitsinissamik piareersaanermi ingerlatsinermilu aamma suliaakkiissutissamik tunniussinermi pisussaavoq kinaassusersiunngitsumik, piviusorsioortumik immikkoortitsiviunngitsumillu tunngaveqarluni neqerooruteqartussanik toqqaassalluni aamma neqerooruteqartut akornanni assigiinngissitsisoqannginnissaa isumagissallugu, tassami neqeroortitsisoq kinaassusersiunngitsumik tunngavissarititaasut mianeralugit inuiaqatigiinni akisussaasunngorsinnaammat, ilanngullugu najukkani pissutsit najukkanilu tunngaveqarnissaq eqqarsaatigalugit.”
<i>Imm. 4.</i> Neqerooruteqartitsineq atorineqarsinnaaffiisigut “Kalaallit Nunaanni sanaartornermi suliassanut pilersuiner Mullu piumasaqaatit ataatsimoortut (AP)” imaluunniit allagartat allat pisortanit akuerisat naapertorlugit ingerlanneqassaaq.	12. § 7, imm. 4, imatut oqaasertalerneqassaaq : ” <i>Imm. 4.</i> Suliassanik neqerooruteqarnermi Naalakkersuisut akuerisimasaannik, taamatut peqarsimapput, ataatsimut piumasaqaatit pisortanit akuerineqarsimasut malillugit isumaqatigiissutip suliarineqarnissaa piumasaqaataavoq. Ataatsimut piumasaqaatit

	allannguisoqarsimappallu suut akuerineqarsimanersut ukiut tamaasa januaarimi Naalakkersuisut tamanut saqqummiussissapput.”
<i>Imm. 5. Neqerooruteqartitsineq AP malillugu ingerlanneqarpat, tak. imm. 4, AP-mik saneqqutsinissaq taamaallaat tunngavissat immikkut ittut pineqartillugit pisinnaavoq. Saneqqutsinissamut aalajangersakkat pisuni ataasiakkaani neqerooruteqartitsinermut najoqqutassiani erseqqissarneqartassapput.</i>	13. § 7, imm. 5, imatut oqaasertalerneqarpoq: <i>” Imm. 5. Neqeroortitsisup tamanna kinaassusersiunngitsumik siunertamut iluaqutaassappat, imm. 4-mi aalajangersakkat ataatsimoorussat saneqqussinnaavai. Allannguutit neqeroortitsinermut najoqqutassani ersarissumik allassimassapput.”</i>
§ 8. Sanaartornermi suliasat suliarinerini akiligassiissutaasartut tamanut ammasumik neqerooruteqartitsisarnermut maleruagassanut ilaatinneqanngillat. Sanaartornermi suliasanut suliarinerini akiligassiisarneq pissutsit immikkut ittut pissutaallutik pisariaqartitsiviusuni, imaluunniit sanaartugassaq annerpaamik 500.000 koruuninik naleqartussaattillugu taamaallaat qaqutigunnaq atorineqarsinnaavoq.	14. § 8, imm. 1, imatut oqaasertalerneqassaaq: <i>”Suliasat suliarinerini akiligassiissutaasartut tamanut ammasumik neqerooruteqartitsisarnermut maleruagassanut ilaatinneqanngillat. Suliasanut suliarinerini akiligassiisarneq pissutsit immikkut ittut pissutaallutik pisariaqartitsiviusuni, imaluunniit suliasaq annerpaamik 500.000 koruuninik naleqartussaattillugu qaqutigunnaq atorineqarsinnaavoq.”</i>
§ 12. Killilimmik suliariumannittussarsiuussinermi neqerooruteqartitsisoq tusagassiuutit naqitat imaluunniit elektroniskiusut atorlugu tusagassiuutit aqqutigalugit neqerooruteqartitsinissamut allagarsiussamik tamanut ammasumik saqqummiussilluni neqerooruteqarsinnaasunut pilerisaaruteqarnermigut	15. § 12, oqaaseqatigiit siulliit ima oqaasertaqassapput: <i>” § 12. Killilimmik suliariumannittussarsiuussinermi neqerooruteqartitsisoq pisortat neqeroortitsinermut nittartagaatigut neqeroortitsinermik ussassaarutip tamanut ammasumik saqqummiunneratigut neqerooruteqarsinnaasunik aggersaanikkut piukkunnartussarsiorsinnaavoq.”</i>

piukkunnartussarsiorsinnaavoq. Neqerooruteqartitsinissamut allagarsiussami allassimasussaapput 1) peqataanissamut soqutiginnilluni nalunaarnissamut piffissaliussaq, sivikinnerpaamik ullunik suliffiusunik 15- inik sivilissuseqartussaq, 2) aningaasaqarnikkut teknikkikkullu pisinnaasat pillugit paasissutissat, piukkunnartussarsiornermut ilaanissamut uppersarseqartussat suussusissat kiisalu taakkununga uppersaatissanut piumasaqaatit, 3) suliassaq akikinnerusumik akeqartitsilluni imaluunniit aningaasaqarnikkut iluanaarnarnerpaamik neqerooruteqartumut tunniunneqassanersoq, aamma 4) neqerooruteqartut neqerooruteqarnissamut kajumissarneqartussat amerlanerpaamik qassiussanersut.	
§ 13. Killilimmik suliariumannittussarsiuussinerit entreprenørit aalajangersimasut kisimik pisariaqartinneqartumik pisinnaasaqartillugit imaluunniit suliap naammassineqarnissaanut pisariaqartinneqartumik immikkut ittumik ilisimasaqartillugit, piukkunnartussarsiuussinertaqanngitsumik ingerlanneqarsinnaapput. <i>Imm. 2</i> Aammattaaq killilimmik suliariumannittussarsiuussinerit siumoortumik neqerooruteqartitsiviunngit- sumik ingerlanneqarsinnaapput, nunap immikkoortuani pissutsit pequtaallutik entreprenørit najugaqartut kisimik neqerooruteqarsinnaanissaat naatsorsuutigineqartillugu, aammalu killilimmik neqerooruteqartitsinissamut	16. § 13 imatut oqaasertalerneqassaaq: ” § 13. Killilimmik suliariumannittussarsiuussinerit suliffeqarfiit aalajangersimasuinnaat pisariaqartinneqartunik taamaallaat piginnaasaqarpata imaluunniit suliassap suliarinissaanut pisariaqartinneqartumik immikkut ittumik ilisimasaqarpata piukkunnartussarsiuussinertaqanngitsumik ingerlanneqarsinnaapput. <i>Imm. 2.</i> Killilimmik suliariumannittussarsiuussinerit nunap ilaani pissutsit kingunerisaannik najukkani suliffeqarfiit kisimik neqerooruteqarnissaat naatsorsuutigineqarpat, aamma § 25 a, imm. 4 malillugu killilimmik suliariumannittussarsiuussinermut aggersaasoqarsimappat aamma

§ 25 a, imm. 4 naapertorlugu aggersaasoqarsimatillugu.	piukkunnartussarsiuussinertaqanngitsumik ingerlanneqarsinnaapput."
	17. § 13-ip kingorna qulequtaq nutaaq ilanngunneqarpoq: <i>"Peqataanissamut mattunneqarneq"</i> 18. Qulequttap nutaap kingorna ilanngunneqarpoq: " § 13 a. Neqerooruteqartoq imaluunniit taassuma siulersuisuini imaluunniit pisortaaneqarfiani ilaasortat neqeroortitsinerup tamanut nalunaarutigineqarneraniit ullormi kingusinnerpaamik ukiut tallimat iluanni, 2026-mi julip aallaqqaataa sioqqullugu ukiunut tallimanut sunniuteqartumut ukunani pineqaatissinneqarsimappat neqeroortitsinerup ingerlanneraniit neqerooruteqartup peqataanissaanut mattutissavaa: 1) Akiliilluni pinerluuteqarneq, peqquserlunneq imaluunniit niuernikkut isumaqatigiinnernik ingerlataqarneq. 2) Aaqqissuussaasumik pinerlunniatigiinnut peqataaneq. 3) Peqqarniisaarnernut imaluunniit peqqarniisaarnermut atatillugu pineqaatissiissutigineqarsinnaasumik iliuuseqarsimanerit. 4) Aningaasanik peqquserlunnikkut pissarsiarisimasanik malunnarunnaarsaaneq imaluunniit peqqarniissaarniartarnernut aningaassaliissuteqartarneq. 5) Meeqqanik sulisitsineq imaluunniit inunnik niueruteqarneq. § 13 b. Neqeroortitsisup neqeroortitsinerup ingerlanneraniit neqerooruteqartup peqataanissamut mattussinnaavaa neqerooruteqartoq:

	1) akiliisinnaajunnaarsinnaasutut suliarineqarpat, akiliisinnaassuseqanngitsutut imaluunniit atorunnaartussatut suliarineqarpat taamaaqataanilluunniit inissisimappat, 2) neqeroortitsinerup tamanut nalunaarutigineqarneraniit ullormi kingusinnerpaamik ukiut tallimat iluanni, 2026-mi julip aallaqqaataa sioqqullugu ukiunut tallimanut sunniuteqartumut inuussutissarsiutimi ingerlannerani annertuunik sumiginnaasimappat, tassunga ilanngullugu neqeroortitsisumik imaluunniit pisortani oqartussanik allanik isumaqatigiisummini annertuumik sumiginnaasimappat, 3) neqeroortitsinerup tamanut nalunaarutigineqarneraniit ullormi kingusinnerpaamik ukiut tallimat iluanni, 2026-mi julip aallaqqaataa sioqqullugu ukiunut tallimanut sunniuteqartumut neqerooruteqartumiit imaluunniit pisortani oqartussanit allaniit ingerlanneqartumut neqeroorummut atatillugu paasissutissanik eqqunngitsunik piaaraluni tunniussisimappat, imaluunniit 4) Kalaallit Nunaanni nunamiluunniit suliffeqarfiup pilersinneqarfigisimasaani akileraarutinik akitsuutinillu akiitsunik akileqquneqartunik 100.000. kr.-t sinnerlugit nalilinnik akiliisimanngippat. <i>Imm. 2. Suliffeqarfiup imm. 1, nr. 4-mi pineqartup peqataatinneqannginnissaa aalajangiunneqarpat neqerooruteqartitsisup nalunaarutigisinnaavaa suliffeqarfik taamatut pineqartoq mattunneqassanngitsoq, imatut pisoqarpat:</i> 1) neqeroortitsinermi peqataasut tamarmik imm. 1, nr. 4-mi nassuiarneqartutut pisortanut akiitsoqarpata,
--	--

	2) suliffeqarfik 100.000 kr.-t sinnerlugit akiitsut ilaannut qularnaveeqqusiisimappat, imaluunniit 3) suliffeqarfik akiitsut akilernerqarnissaat pillugu isumaqatigiissuteqarpat isumaqatigiisummillu taassuminnga eqquutitsippat.”
..§ 15. Neqerooruteqartitsisup suliariumannittussarsiuussinissaq taamaatinngippagu, suliassaq ukuninnga tunngaveqarluni tunniunneqassaaq: 1) appasinnerpaamik akeqartitsisumut, imaluunniit 2) tunngavissat assigiinngitsut, soorlu akit, pitsaassuseq, piffissaq sanaffiususaaq, ingerlatsinermut aningaasartuutit, imminut akilersinnaassuseq, teknikkikkut naligititaasoq, avatangiisinut sunniutissat, sanaartugassamut titartakkat atuuffissallu, isumaqatigiisummi pineqartumi allanngorartuusinnaasut eqqarsaatigalugit aningaasaqarnikkut iluanaarnarnerpaamik neqerooruteqartumut.	19. § 15, imm. 1, nr. 2 imaalissaaq: ”2) Suliassaq pineqartoq malillugu allanngorartut piumasaqaatit assigiinngitsut eqqarsaatigalugit aamma illuliorneq sanaartornermilu suliassat, taakkununga teknikkikkut ikuiunneq imaluunniit illuliornermut sanaartornermullu atortussanik il.il. pilersuineq pineqarnersoq malillugu aningaasaqarnikkut neqeroorut iluatinnarnerpaaq, assersuutigalugu akit, pitsaassuseq, piffissaq sanaartorfiusoq, piffissaq pilersaarusiortiusoq, ingerlatsinermi aningaasartuutit, imminut akilersinnaanera, teknikkikkut nalinga, avatangiisit sunnerneqarneri, illuliassap titartarneqarnera, atorneqarnissaa kiisalu inuiaqatigiinnut akisussaaneq, tassunga ilanngullugit najukkami pissutsit najukkamut tunngassuteqarnera, atuartunik, ilinniartunik suliffimmilu misiliisussanut inissat aamma inuit atugarliortut sulisinneqarneri eqqarsaatigalugit.”
§ 20. Neqerooruteqartut, § 1, imm. 2-mut ilaatinneqartut sanaartugassanut siumoortumik neqerooruteqartitsinermik	20. § 20 imatut oqaasertalerneqassaaq: ” § 20. Neqerooruteqartitsisut § 1, imm. 2-mut ilaasut illuliornermi sanaartugassanillu isertuussillutik

pissarsiniarsinnaanngillat, matumani pineqanngippata: 1) sanaartugassat katillugit 1.500.000 mio. koruuninik taakkuluunniit inorlugit nalillit, 2) sanaartugassat annertussutsimikkut, pitsaassutsimikkut piffissalluunniit ingerlanissaa eqqarsaatigalugu ajornakusoortorujussuarmik neqerooruteqartitsinissamut tunngavissat aqputigalugit aalajangersarneqarsinnaasut, soorlu misiliilluni suliat, ilisimatusarnerit ineriartortitsinerillu ilaat imaluunniit iluarsartuussinerit, iluarsaassinerit allanngortitsinerillu, suliasalluunniit isumannaallisaaneq eqqarsaatigalugu kinguartinneqarsinnaanngilluinnartut, 3) suliariumannittussarsiuussinermi neqeroorummik, tassungalu ilanngullugu aningaasaqarnermut peqqussutilluunniit malillugit naleqquttumik tiguisoqarsimanngippat, imaluunniit aallaqqaammut neqerooruteqartitsinermi piumasaqaatit annertuumik allannguuteqarsimatinnagit siumoortumik neqerooruteqartitsinissaq pillugu allagarsiinermi qinnuteqaatinik tigusaqartoqarsimanngippat, 4) nunami pissutsit pissutsilluunniit allat peqqutaallutik suliffeqarfiit aalajangersimasut pingasut tikillugit kisimik sanaartugassanik suliaqarnissamut periarfissaqarpata, aammalu § 25 a, imm. 4 naapertorlugu isumaqatigiiffiusumik neqerooruteqartitsinissamut aggersaasoqarsimappat, imaluunniit 5) pissutsit aalajangiisuusussat immikkut ittut allat peqqutaallutik entreprenørinik aalajangersimasumik toqqaasoqartariaqarpata.”	neqerooruteqartitsinissanngillat, matumani pineqanngippata: 1) suliasaq katillugu nalinga annerpaamik 3.000.000 koruuninik naleqartoq pineqarpata. Illuliornermut sanaartornermullu siunnersuinerli eqqarsaatigaluguli ataatsimut nalinga annerpaamik 10.000.000 koruuninik naleqassaaq, 2) sanaartugassat aatsaat neqerooruteqartitsinermi tunngavigisat najoqqutaralugit ajornakusuungaatsiartumik aalajangiiffigineqarsinnaasunik annertussuseqartut, pitsaassuseqartut piffissalernerneqarsinnaasullu, soorlu misileraanerit, ilisimatusarnerit ineriartortitsinerillu, imaluunniit nutarterinerit, iluarsaassinerit allanngortiterinerillu, imaluunniit suliasat isumannaallisaaneq eqqarsaatigalugu pinngitsoorani suliarineqartussaallutik kinguartinneqarsinnaanngitsut, 3) suliariumannittussarsiuussinermi neqeroorutininik naleqquttunik imaluunniit peqqussutit malillugit suliarineqartunik tiguisoqarsimannginnera, imaluunniit aallaqqaammut neqerooruteqartitsinermi piumasaqaataasut annertuumik allanngortinneqanngippata qinnuteqaatinik tiguisoqarsinnaannginnera, 4) nunap ilaani pissutsit imaluunniit pissutsit allat pissutigalugit suliasap suliarinissaanut suliffeqarfiit pingasut tikillugit taamaallaat suliaqarsinnaappata, aamma § 25 a, imm. 4 malillugu isertuussilluni neqerooruteqartitsinissamut aggersaasoqarsimappat, 5) suliffeqarfiup aalajangersimasup toqqarneqarnissaa tunngavissat immikkut ittut allat aalajangiisuulluinnartippassuk, imaluunniitinuiaqatigiinni eqqarsaatigisassat, tassunga ilanngullugit najukkani pissutsit aamma najukkami
---	---

	tunngaveqarneq eqqarsaatigalugit suliassap isertuussilluni neqerooruteqartitsinikkut najukkami suliffeqarfimmut neqeroorutiginissaanut aalajangiisuulluinnartippassuk.”
<i>Imm. 3.</i> Neqerooruteqartitsisup qinnuigineqarnermini neqeroorutip itigartinneqarneranut tunngaviusoq neqerooruteqartunut kalluarneqartunut § 14, imm. 3 aamma § 22 naapertorlugit nalunaarutigissavaa, tunngavilersuut § 25, imm. 2 naapertorlugu nalunaarutigineqareersimanngippat.	21. § 24, imm. 3, imatut oqaasertalerneqassaaq : ” <i>Imm. 3.</i> Neqerooruteqartitsisup qinnuigineqarnermini neqeroorutip itigartinneqarneranut tunngaviusoq pillugu neqerooruteqartunut pineqartunut § 13 a, § 13 b, § 15, imm. 3 aamma § 22 naapertorlugit nalunaarutigissavaa, taamatut tunngavilersuut § 25, imm. 2 naapertorlugu nalunaarutigineqareersimanngippat.”
§ 25 a. Neqerooruteqartitsisup siumoortumik nalunaaruteqarnermigut, suliassat imaluunniit suliassat taakku ilaannit ilaasa suut neqerooruteqartitsisup neqerooruteqartitsiviginiarnerai saqqummiussinnaavai. Siumoortumik nalunaarut tusagassiorfitsigut imaluunniit tusagassiorfiit elektroniskiusut aqqutigalugit allagarsiinikkut tamanut ammasumik saqqummiunneqassaaq.	22. § 25 a, imm. 1, oqaaseqatigiit aappaat ima oqaasertaqassaaq: ”Siumoortumik nalunaaruteqarneq pisortat neqeroortitsinernut nittartagaatigut tamanut saqqummiunneqassaaq.”
<i>Imm. 4.</i> Neqerooruteqartitsisup siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissami, neqerooruteqarnissamut soqutiginnittunik aggersaanikkut siumoortumik nalunaaruteqartarneq atorsinnaavaa. Siumoortumik nalunaarut neqerooruteqartitsisup suliassamut	23. § 25 a, imm. 4, oqaaseqatigiit aappaat ima oqaasertaqassapput: ”Suliassamut neqeroorutit pissarsiarinissaanut neqeroortitsisup aallartinnissaa sioqqullugu kingusinnerpaamik sapaatit akunneri sisamat sioqqullugit siumoortumik nalunaarut tamanut saqqummiunneqassaaq aamma sulinerit imaluunniit suliassat suut ilaanersut, sumiiffik aamma naammassineqarnissaanut piffissaq kiisalu soqutiginnittut saaffiginninnissaanut

aalajangersimasumut neqerooruteqartitsinermik aallarniinissaa kingusinnerpaamik sapaatit akunnerinik arfineq pingasunik sioqqullugu tamanut ammasumik saqqummiunneqassaaq, taannalu suliaassat suut ilaatinneqarnersut, sumiiffik aammalu isumaqatigiissutip naammassinissaanut piffissaq, kiisalu soqutiginnittut saaffiginninnissaannut piffissaq killiliussaq pillugu paasissutissanik imaqaassalluni.	piffissaliussaq pillugu paasissutissanik imaqaassalluni.”
§ 35. Sanaartukkat § 1, imm. 2-mi pineqartut suliarineqarnerinut atatillugu ilinniartut qanoq amerlatigisut atorfinitsinneqartarnissaannik Naalakkersuisut maleruagassiorsinnaapput.	24. § 35, imm. 1, imatut oqaasertalerneqassaaq : ”Iluliornertit sanaartukkallu suliarineqarnerinut atatillugu aamma taakkununga teknikikkut ikuiunnermi ilinniartut, ilinniarnermilu atatillugu suliffimmiittut assigisaalluunniit qanoq amerlatigisut atorfinitsinneqartarnissaat pillugu Naalakkersuisut maleruagassiorsinnaapput. Ilinniartut pillugit malittarisassat eqqortinneqanngippata ullormut akiliititsinissanik allatigulluunniit pineqaatissiinissamut Naalakkersuisut aalajangersaasinnaapput.”
	§ 2 Inatsisartut inatsisaat ulloq 2026-imi juulip aallaqqaataani atulersinneqarpoq. <i>Imm. 2.</i> Peqatigisaanik pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni nr. 6, 12. juni 2019-imeersumi § 2, imm. 3 atorunnaarsinneqarpoq, aamma § 3, nr. 1 ima oqaasertalerneqarluni:

	”1) Illuliornermi sanaartornermilu suliat, illuliornermi sanaartornermilu sulianut teknikikkut ikiuunneq aamma illuliornermi sanaartornermilu sulianut atortunik il.il. pilersuineq.”
--	--